

SAHABAT-SAHABAT NABI YANG TERBILANG

Pada kali ini kita sajikan riwayat hidup sahabat nabi yang terbilang Saidina Abdullah bin Mas'ud radiyallahu anh. Seorang jaguh Islam dan penghafaz kitab Allah yang terkemuka yang telah menampungnya daripada mulut Rasulullah salallah alaihi wa salam. Ia telah berhijrah ke negeri Habsyi kemudian ke Madinah dan telah merempuh semua medan perang bersama-sama Nabi dan ialah juga yang elah mengerat kepala Abu Jahal setelah Abu Jahal jatuh tersungkur di medan perang Badar menerima tetak pedang dua orang anak Ansar.

ABDULLAH BIN MAS'UD

Tentang bagaimana rapat dan dampingnya Ibn Mas'ud dengan Rasulullah salallah alaihi wa salam telah ditulis oleh Al-Alamah Al-'Ini di dalam kitab Syarah Al-Bukhari katanya: "Rasulullah (SAW) telah menetapkan Ibn Mas'ud dengan beberapa perkara: Ia menjadi tempat rahsia baginda selain daripada menjadi pelayannya yang menyediakan air sembahyang, kayu sugi, kasut dan tongkat baginda."

Semenjak berhijrah ke Madinah Ibn Mas'ud tidak renggang dari sisi baginda baik ketika baginda keluar belayar atau ketika baginda tinggal menetap di Madinah. Ia sangat-sangat dikasihi oleh baginda dan telah berpesan supaya orang ramai mengasihinya.

Pada suatu hari sahabat-sahabat telah terpandang Ibnu Mas'ud memanjat pokok. Mereka pun tergelak-gelak memandang betisnya terlalu kecil. Mendengarkan peristiwa itu Nabi bersabda:

"Pada hari Kiamat kedua-dua betisnya yang kecil itu adalah beratnya di dalam neraca lebih daripada gunung Uhud" (maksudnya: Amal baik Ibn Mas'ud lebih berat daripada gunung Uhud – p.)

At-Tirmizi pula meriwayatkan daripada Huzaiifah bahawa beberapa orang telah berkata kepadanya: "Tunjukkanlah kepada kami siapakah orangnya yang lebih hamper kepada nabi tentang fiil perangai yang menjadi pertunjuk, supaya kami berjumpa dia dan mengambil serta mendengar ajaran-ajarannya."

Orang yang sehampir-hampirnya dengan Rasulullah (SAW) tentang fiil perangai dan budi pekerti yang patut dijadikan contoh

tauladan ialah Ibn Mas'ud, sesungguhnya sahabat-sahabat Nabi telah mengetahui bahasa "Ibn Ummu Ghabad" (Ibn Mas'ud – p) ialah sehampir-hampir orang di antara mereka di sisi Allah Taala."

Jawab Huzaiifah.

Kelebihan Ibn Mas'ud dalam medan ilmu pengetahuan sebenarnya telah menjadikan dia seorang daripada penyair-penyair Islam yang terkemuka di dunia yang telah meninggalkan bagi alam manusia pusaka yang kekal abadi selain daripada undang-undang dan siasah yang adil dan sesuai untuk tiap-tiap tempat dan tiap-tiap zaman. Sehingga meminta fata dan bertanyakan usul-usul agama.

Gagah Berani

Walaupun Ibn Mas'ud seorang yang bertubuh kecil tetapi ia sebenarnya berhati berani dan gagah perkasa. Kehandalannya yang jemerlang adalah menghiasi sejarah perjuangan Islam. Terutama di medan pertempuran "Badar" yang berriwayat itu.

Pada suatu hari Rasulullah salallah alaihi wa salam telah bertanya sahabat-sahabatnya, sabdanya: "Aku telah diperintahkan membaca Quran kepada kumpulan jin malam ini. Maka siapakah orangnya di antara kamu hendak mengikut bersama?". Walaupun tiga baginda mengulang sabdanya tetapi semua sahabat-sahabatnya yang hadir telah tunduk mendiamkan diri melainkan Ibn Mas'ud radiyallahu anhu yang telah mengaku sanggup dan bersedia hendak mengikut baginda.

Peristiwa Nabi pergi membaca Quran kepada kumpulan

jin telah diceritakan oleh Ibn Mas'ud katanya: "Tidak ada seorang lain daripada saya yang telah menghadiri malam itu. Saya bersama-sama Rasulullah pun pergi sehingga tiba di suatu lembah di Mekah bernama "Syaiib Al-Hujun." Baginda pun mengurusi suatu garisan lalu bersabda: Janganlah engkau keluar daripada garisan ini sehingga aku balik mendapatkan engkau. Nabi pun membaca Quran pada ketika itu saya mendengar suara kumpulan jin riuh rendah bunyinya sehingga saya kecemasan jangan-jangan Rasulullah bertemu bahaya. Sebentar lagi saya lihat baginda dikerumuni oleh kumpulan hitam hingga terlindung baginda daripada pemandangan saya dan suaranya tidak kedengaran lagi. Sejurus kemudian baharulah mereka berpecah-pecah seperti kumpulan awan bertompok-tompok lalu hilang dan Nabi pun balik semula ke tempat saya."

Ibn Mas'ud menyambung lagi: "Nabi pun bertanya kepada saya: "Adakah engkau melihat apa-apa?"

"Ada – jawab saya – saya melihat kumpulan orang ramai yang hitam legam berpakaian putih."

Mendengarkan jawab saya itu maka Nabi bersabda lagi: Mereka itu kumpulan jin Nasibin."

Setelah Nabi wafat dan orang-orang Islam makin bertambah meluaskan negeri-negeri Islam maka Ibn Mas'ud telah keluar berperang di negeri Syam lalu tinggal di wilayah "Humuz". Tidak berapa antaranya Saidina Umar pun memilihnya lalu dihantarkan ke wilayah "Kufah" dan disuruhnya orang ramai mempelajari hukum-hukum Islam kepadanya.

Tatkala Ibn Mas'ud dihantarkan ke Kufah menjadi guru agama dan Ammar bin Yassir menjadi pesuruhjaya wilayah itu maka Saidina Umar berkata: "Kedua-duanya daripada orang-orang yang bijaksana maka berpandulah kamu dengan keduanya."

Saidina Ali pula berkata: "Sekiranya aku melantik seorang menjadi ketua dengan tidak payah meminta fikiran ramai, nescaya aku akan melantik Ibn Ummu 'Abd." Yakni Abdullah bin Mas'ud.

Qari yang Terbilang

Kemasyhuran Ibn Mas'ud sebagai seorang penghafaz dan qari Quran yang terbilang telah dijelaskan oleh Masruq sebagaimana yang tersebut di dalam kitab Sahih Al-Bukhari: "Tatkala orang menyebut nama Abdullah bin Mas'ud kepada Abdullah bin Umar, maka Ibn Umar berkata: Dia itu tetap saya kasih akan dia semenjak saya mendengar Rasulullah salallah alaihi wa salam bersabda: "Pelajarilah membaca Quran daripada empat orang: Daripada Abdullah bin Mas'ud..." sehingga akhir hadis dengan itu nyatalah bahawa baginda telah memulakan namanya terlebih dahulu daripada rakan-rakannya yang berempat itu.

Meskipun Zaid bin Tsabit seorang qari yang terbilang tetapi Ibn Mas'ud tetap mempunyai keistimewaan yang tersendiri.

Suatu peristiwa berkenaan membaca Quran di hadapan Nabi telah diriwayatkan oleh Ibn Mas'ud katanya:

"Rasulullah salallah alaihi wa salam telah menyuruh saya mendengarkannya bacaan Quran. Saya pun berkata: Bagaimana saya hendak mendengarkan bacaan Quran, padahal kepada junjungan Al-Quran telah diturunkan?"

"Aku ingin mendengarnya daripada orang lain." Jawab baginda. Saya pun membacakan Surah An-Nisaa sehingga sampai kepada ayat *"Fakaifa idza jina min kulli ummat bi shahid wa jikna bika 'ala haulai shahida."*

Ertinya: "Maka betapa halnya orang-orang kafar itu jika kami utus seorang Nabi kepada tiap-tiap umat menjadi saksi (atas kesesatan mereka), dan kami utus engkau hai Muhammad sebagai saksi atas mereka itu." (Yakni menjadi saksi "atas kebenaran Nabi-nabi" itu. Kata riwayat lain: "Atas orang-orang kafir" itu, lain riawayat pula berkata: "Atas orang-orang yang beriman." – p.)

"Mendengarkan ayat yang tersebut maka Nabi bersabda: "Sudah cukup." saya lihat mata baginda bergenang dengan air mata lalu bersabda lagi:

(sambungan pada muka 12)

HIDUP TIADA TUJUAN

(oleh Pencinta Qalam)

Sakitlah hidup tiada tujuan Adapun hati yang ada kemahuan Adapun akal tiada ketentuan Pergi balik nafsu berlawan.	Sekejap begitu sekejap begini Tiada tentu itu dan ini Hendak dicuba hendak buat bini Pada hal bacul tiada berani	Sayogialah ingat wahai saudara Dalam kehendak sebarang perkara Tetapkan tujuan kira bicara Bismillah kita berlangkah mara.
Hidup pun lagha tak tentu hala Seolah-olahnya kedatangan bala Nafsu sentiasa maharajalela Seperti orang hendakkan gila.	Jika sudah bacul penakut Ramai sahaja serba mengikut Di tepi kenting ibarat melukut Sentasalah kalah terbalik kut.	Pembesar pemimpin itulah utama Pimpin dan pandu bekerjasama Berjalan dibawah naungan agama Berserah kepada Tuhan Alima.
Angan-angan tinggi fikiran lara Tidak tentu kira bicara Sebarang kerja dibuat sementara Laksana orang menggenggam bara.	Kalau sudah terkena badi Bacul penakut menjadi-jadi Walaupun pandai, ilmu tak jadi Kononnya merdeka sebenarnya abdi.	Inna ad-din 'ind Allah al-Islam Tujuannya cemerlang tak pernah kelim Quran dan Hadis renung dan salam Untuk panduan ayyuhal ghulam.
Maklum bara pegang-pegang lepas Jadilah kerja banyak melepas Segala kesulitan tak dapat dikupas Akhirnya mengeluh memainkan nafas.	Demikianlah hidup tiada tujuan Ibarat perahu tak tentu haluan Biar melangiti ilmu pengetahuan Mudah sahaja terkena tawan.	Iaitulah tujuan umat Muhammad Sentiasa berharap syafaat dan rahmat Jika selagi kufurkan nikmat Sampai bila tidakkan selamat.

(sambungan dari muka 11)

“*Man surah an yaqra al-Quran an ghadha kama nazalla falyaqrauh qaraktu ibn ummu Abd.*” (Barangsiapa gemar hendar membaca Quran lemah lembut dan jelas sebagaimana telah diturunkan maka hendaklah ia membacanya seperti bacaan Ibn Ummu Abd.” Yakni Saidina Abdullah bin Mas’ud radiyallah anhu.

Ibn Mas’ud sangat masyhur berkenaan tajwid dan sentiasa menyuruh orang ramai memperelok Quran dengan hukum-hukum tajwid. Ia juga sentiasa berpesan “janganlah kamu membaca Quran dengan cara memanjangkan kalimah-kalimahnyanya dengan gaya ayang melampauai batas dan janganlah dipendekkan sehingga terputus-putus bunyinya, tetapi fikirkanlah dengan tenang pada tiap-tiap

kali kamu membaca ayat-ayat yang menceritakan kejadian-kejadian alam yang menakjubkan, dan hidupakanlah hati dengannya. Janganlah cita-cita seorang kamu hanya bertumpu kepada akhir “surah sahaja”. Yakni jangan terburu-buru hendak menghabiskan surah itu pada hal cara yang demikikan tidak ada pada faedahnya dan tidak ada suatu panduan yang akan didapati orang-orang yang tidak mengetahui bahasa Arab sayogialah mentelaah kitab-kitab tafsir untuk menutupi kerugian mereka yang tidak terhitung itu.

Sekianlah mudah mudahan sikap dan fiil perandai Ibn Mas’ud dan nasihatnya tentang cara membaca Quran akan menjadi panduan kepada orang-orang Islam kita umumnya. – Ain. Ba.